

123.  
30.

I. N. J. C.  
DISSERTATIO GRADUALIS,  
ANIMADVERSIONES QUASDAM  
IN  
**M E S S E N I I**  
**CHRONICON RHYTHMICUM**  
**F I N L A N D I A Æ**  
NUPER EDITUM, CONTINENS,

---

*Q U A M*  
Consensu Amplissim. Ord. Philosoph. in Illustri ad  
Auram Athenæo,  
PRÆSIDE  
**MAG. JOHANNE**  
**BILMARK,**  
Histor. & Phil. Pract. PROFESSORE Reg. & Ordin.  
*Ad publicum modeste desert examen*  
S:Æ R:Æ M: TIS ALUMNUS  
JOHANNES ISAACUS EKEGREN,  
Aboa-Fенно.

IN AUDITORIO MAJORI D<sup>e</sup> II Junii  
An. R. S. MDCCCLXXV.

H. A. M. S.

---

A B O A E

Impressit JOHANNES CHRISTOPHORUS FRENCKELL



## ANIMADVERSIO I.

**S**icut cuilibet fere Sæculo suus est genius; ita superiore studium antiquitatis Patriæ præcipue in deliciis fuit. Omnia tunc ad antiquitatem referebantur, adeo ut nihil præstans censeretur, nisi quod prolixam saperet vetustatem. Historia igitur Patriæ maxime pragmatica habebatur, quæ inde a diluvio ortum Svecorum & Gothorum repetebat; & quæ argumentis defuit probandi vis, hanc supplererunt partim conjecturæ, partim auctoritates virorum, visa pro compertis lectoribus suis saepe obtrudentium. Hac etiam chorda quum more sui ævi oberraret MESSENIUS, in memorato Finlandæ Chronico p. 3. primum terrarum Septemtrionalium Principem nominat TUISCONEM, NOACHI Filium. Sequitur autem cum in hoc, tum in aliis momentis Historicis Johannem MAGNUM, qui in Histor. Goth. p. 260 ex auctoritate BEROSI BABYLONICI adserit, Noachum post diluvium genuisse Tuisconem, qui filios reliquerit Hunnum, Vandalum, Svevum & Marfum, ex quibus originem ducunt gentes cognomines, inter Tanaim & Rhenum habitantes. Enimvero quum & Scriptura Sacra ignoret hos Noachi posteros, & quæ ex Bero lo supersint pleraque sint corrupta, satis patet, hypothesisin MESSENIII alatam fidem mereri plane nullam.

## ANIMADV. II.

De monte *Adula* loquuntur tam SIRABO, qui illum appellat μέρον τῶν ἀλπεων, partem Alpium, atque in hoc fontes Rheni fluminis ponit, quam PTOLEMÆUS, qui eundem οὐαὶ τὰς αλπεις ἔν ad montes Alpinos constituit. Quem itaque Geographum sequatur MESSENIUS, dum montem Adulam ad Armeniae montes refert, alii dispiciant.

ANI-

## ANIMADV. III.

Ex Ptolemaeo discimus, quod *μεσημβρία* fuerit ultima Moesiae ad montes Thraciae juxta Pontum Euxinum, quae ab Herodoto *Μεσουβρία* nuncupatur, & respondet ferme hodiernæ Bulgariae.

## ANIMADV. IV.

Ex descriptione orbis habitabilis, quam tradit MESSENIUS in. p. 4, facile colligere liceret, quod globus terraqueus jam tempore Noachi, seu statim post diluvium abundaverit incolis, siquidem Noachus etiam de eo fuerit sollicitus, ut limites inter Asiam atque Europam determinarentur. Sed aut vena sua Poëtica abusus fuit Auctor, aut angustum nimis conceptum habuisse videtur harum terrarum, dum statuit, Noachum sepem quandam inter has orbis partes molitum fuisse.

## ANIMADV. V.

Ex quo rivo sua arva irrigaverit MESSENIUS, dum de Rege SARMATO & hujus cognatione cum Patriarcha SEM argute canit, ne divinando quidem adsequi potui. Nam ne quidem sublestæ fidei BEROSUS ille, cui multum fudit Johannes Magnus, sibi consentientem habet; Ithoc modo fingere Nationum fatores, ut Hunnum, Vandalum & Sarmatum, progenitores populorum cognominum, æque facile est, ac per se insipidum & plane absurdum. De Sarmatis memoria prodit Herodotus, quod genus paternum a Scythis, sed maternum ab Amazonibus repeterent; unde factum est, ut Scythicam lingvam corrupte loquerentur, dicit enim eos *Σολοκιζειν*. Porro ex narratione Herodoti, antiqua Sarmatarum, ceu ut ab ipso nuncupantur, Sauromatarum patria fuit ad fluvium Tanaim in finibus Asiae atque Europa. Hinc interjecto tempore in Scythiam penetrarunt, quamobrem etiam Scytharum nomine nonnunquam comprehenduntur, vid. Joh. Jac. Malcov in Geschichte der Teutischen ob-

serv. XXX p. 185. Quod ad ipsum Sarmatarum nomen atinet, illud a lingua etiam Gothica deduci posse videatur: *Sar* enim est Dominus, & *Madur* denotat virum. Herodotus enim memorie prodit, Scythes, cum quibus confuscerent Amazones, fuisse ex Scythis sic dicit Regius vid. *Herodoti Melp. p. m.* 144.

## ANIMADV. VI.

Sicut fluctus fluctum pellit; ita errorem semel conceptum alii concatenata quasi serie comitantur. Adsumserat MESSENIUS, Tuisconem fuisse primum terrarum borealium Principem; unde porro concludit, ipsum quoque litteraturam Gothicam seu Runas in Patriam nostram primum invexisse. Enimvero quum valde incertum sit, an TUISCON, qualis describitur, extra cerebrum quorundam Auctorum extiterit, & adhuc incertius, an ille in septentrionales Europae partes unquam penetraverit atque imperium heic constituerit; ita conjecturæ solummodo sunt & figmenta, quæ de ipsius institutis perhibentur. Parem forte hæc merentur fidem, ac hypothesis Bangiana de Adamo, generis humani primo fatore, in Kiälkestad habitante. Quamvis autem difficile omnino sit determinatu, quo tempore, qua occasione aut a quo in Patriam primum sint introductæ Runæ; certum tamen est, quod Epocham propagati apud nos Christianismi antevertant; siquidem leges, quas Sæculo VIII sub Rege INGIALDO collegerunt & consignandas curarunt Legiferi VIGER SPA & LUMBER vix aliis characteribus, quam Runicis, exaratæ fuerint. Huic accedit, quod SAXO Grammaticus, Sæculi XII Scriptor, perhibeat, se monumenta antiqua Runica in petris & lapidibus obvia sedulo consuluisse in antiquitatibus Patriæ suæ consignandis. Immo non omni verisimilitudine caret eorum opinio, qui existimant, OTHINUM II introduxisse usum Runarum; siquidem inter alia nomina, quibus in Edda celebratur,

nomi-

nominetur etiam *Runa Hofdi*. Quicquid sit, antiquissimus certe est Runarum usus, quippe quarum mentionem facit etiam LUCANUS; an vero Cippi, qui superfunt Runici, paris sint ætatis, non immerito ambigimus. Præterea haud probabile nobis obvenit, quod Gothi ex suopte ingenio Runas confinxerint, potius ex vicinis gentibus cum aliqua immutatione easdem mutuo sumserunt. Si enim characteres Græcorum & præcipue Jonicos, quales nobis exhibit MONTFAUCON in sua Palæographia Græca conferamus cum antiquis Runis eximiam proflus convenientiam inter utrosque inveniemus, adeo ut Runarum natales obscuri amplius esse nequeant. Sed mittimus hæc: notatu autem imprimis dignum est, quod in Finlandia nostra neque tumuli sepulcrals neque inscriptions quædam Runicæ reperiantur; quamvis ex Historia satis constet, quod inter Svecos & Fennos frequentia olim fuerint commercia. Fenni tamen adhuc appellitant carmina sua *Runo*, quæ sicut ad Gothorum Malrunor referuntur; ita probabile est, eadem non litteris consignata, sed cantata solummodo fuisse.

## ANIMADV. VII.

Ad tenorem Historiæ JOHANNIS MAGNI p. 29, quem sequitur MESSENIUS, Noachi ex filio Japheto nepos fuit MAGOGUS, qui quinque genuit filios, quorum primus fuit SVEN, Sveonicæ gentis propagator & Rector, secundus Gother, qui etiam Gogus appellatur, a quo Gothe seu Gothi, quibus præterat, nomen accepisse dicuntur, sicut quartus filiorum German fuit, a quo Germani & genus & nomen deducunt. Ita origines gentium ex obscuro antiquitatis peplo facile evolvuntur, & plana hæc forent, si nullis probationibus in Historia locus esset; nunc autem nugæ censentur, dignæ tantummodo, quæ ad aniles fabulas referantur.

## ANIMADV. VIII.

Quod Vandali Gothicæ sint originis, nemo facile dubitat, qui modo perpenderit, quid de ipsis memoriae prodat PROCOPIUS, qui ipse per longum temporis spatium apud Vandalos versatus, gratia imprimis apud Regem GILIMERUM valuit, & res ipsorum gestas litteris consignavit. Sed an Vandali revera ex Scandia nostra sint egressi, aliis dispiciendum relinquimus. Nonnulli quidem perhibent Vandalos ex Dalekarlia genus suum repetere, sed qui etymologico tantum nituntur fundamento, nam *Van* significat *ex*, & *Dal* Daliam vel Dalekarliam vñd. HOLLÉNII Dissert. de Dalekarlia. Sed ab his dissentiant alii, qui etiam Etymologiam vocum, uti filum quoddam Ariadnæum sequuntur, putantes Vandalos fuisse nepotes Vanorum, in Vestro-Gothia habitantium, & hinc quoque nomen sortitos esse: alii autem opinantur, ipsos ita dictos esse a Goth. *Vandra* ambulare & incertis sedibus errare, adeoque nomen hoc respectu originis coincidit cum Svevorum appellatione. Sed haec ipsa nos in medium relinquimus, a verbis ad rem revertentes. PROCOPIUS aperte testatur, primas Vandalorum sedes fuisse ad Pontum Euxinum; unde interjecto tempore magis magisque versus septentrionem commigrasse videntur, adeo ut Tacitus Vandalos inter Germaniae populos referat, & tandem regionibus Germaniae borealis ad littora Maris Baltici insederunt. Ab eo itaque tempore, quo hæc provinciæ imperio Svetlico fuerunt innexæ, Reges quoque Svethiæ sese Reges Vandalorum nuncuparunt.

## ANIMADV. IX.

Quæ de Forniothero nobis constant, ea pleraque sunt deponita ex antiqua Historia, quæ Origines Norregiæ Goth. *Fundinn Noregur* nuncupatur. Quo circa non

non erit reticendum, quod recentiori ayo fuerint Eru-  
diti, iidemque superioris omnino subsellii, qui Historiam  
hanc in dubium haud immerito vocarunt. Et profecto  
quicunque cogitaverit, quam lente propagetur genus  
humanum, non facile cum Historiae nominatae Auctore  
concipiet, quomodo Scandiæ Aborigines intra duas ge-  
nerationes a primo eorum ad hasce oras adventu ita  
multiplicari potuerint, ut singulae Patriæ provinciæ fue-  
rint distinctæ & suos habuerint incolas. Præterea nisi  
ipsam Historiam præcipue in Genealogia consignanda  
admodum mutilatam dicere velimus, sibi nequaquam  
constabit MESSENIUS opinio, statuentis, Forniotheruni  
sexcentis ante nativitatem Christi annis floruisse. Nam  
ex serie narrationis, quæ heic exhibetur, colligere licet,  
quod inter primum hunc septentrionis Monarcham &  
Norvagiæ Regem HARALDUM PULCHRICOMUM in-  
tercesserint duodecim generationes, quod temporis in-  
tervallum sedecim Sæcula comprehendit, quod prorsus  
ineptum videtur. Denique MESSENIUS insignem pror-  
fus facit saltum in hoc loco, ex nepotibus Japheti Sve-  
none & Geta ad Forniotherum perveniens.

## ANIMADV. X.

SNORRE HUMBLA, cuius in hoc loco mentionem  
facit MESSENIUS, idem esse videtur Scandiæ Princeps,  
qui in antiqua Historia *Fundinn Noregur SNIÖ* nuncu-  
patur. Uterque enim fuit filius JOKULI & filium reli-  
quit Thorerum. Fuit autem hic SNORRE seu SNIÖ in-  
ter Macrobius referendus, siquidem per tria vixerit Sæ-  
cula, quemadmodum perhibet MESSENIUS, sed unde Ne-  
storem hanc ætatem colligat, non constat, forte ex anti-  
quis quibusdam documentis, quæ nunc non supersunt,  
quia nec olim extiterunt. Finguntur hæc ipsa eum in fi-  
nem, ut probetur, Forniotherum sexcentis annis ante  
Natum Christum ad Scandiæ littora adpulisse.

## ANIMADV. XI.

Quod DAN & ANGULUS fuerint Snorronis Humble filii non aliunde, quantum nos quidem indagare potuimus, constat, quam ex fabularum Gothicarum consarcinatore JOHANNE MAGNO; veteres enim Historiae solius filii Thoreri mentionem faciunt, reliqua Genealogiae hujus pars videtur esse fictitia.

Plura persequi, vetat res domi angusta & penuria temporis, quamobrem manum e tabula referimus, spe-  
rantes Benevolum Lectorem in meliorem interpretatu-  
rum esse partem has pagellas.

---

CLARISSIME DOMINE CANDIDATE,  
AMICE INTEGERRIME,

*Sicut nihil æquius est, quam ut amicus de amici felici sorte lætetur; ita non possum non, quin meam publice testor lætitiam de felicibus Tuis, Clarissime Domine Can- didate, in Studiis Philosophicis progressibus, quibus spem implex, quam de Tuō ingenio Tuaque industria pridem conceperunt omnes boni. Impense igitur Te nunc laudarem, si hoc officium pateretur vel Tua modestia vel nostra ami- citia. Sed utraque impeditus, gratulor Tibi tantum corollam lauream, tempora Tua ex merito optimo redimi- turam, voveoque ut præmia virtutibus Tuis intellectualibus & Moralibus respondeant.*

*Sic Optat*

*Tui Studiosissimus  
JOHANNES NUMMELIN.*